



Fylkesmannen i Sogn og Fjordane  
Njøsavegen 2  
6863 LEIKANGER

Dykkar referanse:

Sakshandsamar:  
Berit Holme  
Tlf. 57612716

Vår referanse:  
12/3521-8-BHO-  
FA - L12

Dato:  
14.03.2018

## Detaljregulering sandtak Vie - handsaming av planframlegg

Det vert vist til dykkar brev av 30.04.2008, 15.09.2009, og 05.12.2011, ref 2008/1600- / 421.4.

Førde kommune har motteke planframlegg for detaljregulering Sandtak Vie. Vi ynskjer ei vurdering frå fylkesmannen i høve sakshandsaming av planframlegget.

### Bakgrunn:

Planarbeidet vart varsla oppstart den 22.12.2006, sjå vedlegg. Planframlegg for delar av det varsla området vart lagt fram for kommunen, og lagt ut til offentleg ettersyn med merknadsfrist den 30.04.2008. Etter offentleg ettersyn fann kommunen det rett å utvide planområdet etter vedtak i planutvalet 12.06.2008. Det vart utarbeidd planprogram for vidare arbeid med reguleringsplanen, sjå vedlegg. Planprogrammet vart fastsett av planutvalet i møte 29.10.2009.

Arkeologisk registrering vart gjennomført hausten 2009 og 2011. Det har vore fleire drøftingar med kulturavdelinga hjå fylkeskommunen. Kulturavdelinga rår m.a. å regulere dei påviste freda kulturminnene med omsynssone og tilhøyrande føresegner. Det kan ev. søkjast om dispensasjon frå Lov om kulturminne dersom ein ønskjer å gjennomføre arealbruk som rører ved kulturminna.

I arealdelen til kommuneplanen er det sett av ca. 87 dekar til masseuttak. I samband med rullering av kommunen sin arealdel gjorde bystyret m.a. følgjande vedtak 28.05.2015: *«Førde kommune er positiv til vidare drift av masseuttak på Vie i tråd med førre kommuneplan. Sogn og Fjordane Fylkeskommune v/ kulturavdelinga set ein stoppar for dette i brev datert 30.04.2015 då omsynssoner ikkje kan kombinerst med arealføremål masseuttak. Spørsmåla kring kulturminne må løysast gjennom ein reguleringsplan, og Førde kommune oppmodar grunneigarane om å fortsette arbeidet med å få utarbeidd ein reguleringsplan med føremål masseuttak på Vie, i samsvar med førre kommuneplan.»*

Sidan 2015 har kommunen hatt tre møter med grunneigarar og deira representantar.

Nordplan as tok over arbeidet med planen i august 2016, og har på vegne av grunneigarar og drivar utarbeidd nytt planframlegg. Planframlegger er sendt kommunen for handsaming, og det er m.a. framlegg om ca. 138 dekar for masseuttak.

Vi er usikre på om varsling i 2006 og fastsett planprogram i 2009 kan vere gjeldande for nytt planframlegg. Planområdet og planlagd føremål er det same som er fastsett i planprogrammet. Det vart gjort ei vurdering i høve forskrift om konsekvensutgreiing (KU) i samband med utarbeiding av planprogram i 2009. Forskrift om KU er sist endra 01.07.2017, og kommunen er usikker på om vurdering i høve KU i planprogrammet i 2009 er tilstrekkeleg.

Vi vonar de kan gje oss ei tilbakemelding på om nytt planframlegg kan handsamast vidare med bakgrunn i tidlegare dokument.

Ta kontakt dersom det er spørsmål.

Med helsing

Odd Harry Strømsli  
Plan- og byggesjef

Berit Holme  
Arealplanleggar

Dette brevet er elektronisk godkjent av Førde kommune om det ikkje er signert.

**Kopi til:**

Nordplan AS  
Sogn og Fjordane  
fylkeskommune Nærings-  
og Kulturadministrasjon

Langebruvegen 9  
Askedalen 2

6804 FØRDE  
6863 LEIKANGER

**Vedlegg:**

Sandtak Vie planprogram rev 08.10.09.pdf(47070)  
06123 Varsel reguleringsplan